

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), člana 39. stav (4) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25), a u skladu sa članom 2. tačka 2.2. Podugovora o zajmu za Projekat „Poboljšanja energetske efikasnosti u JU Kantonalnoj bolnici Zenica“ između Federacije Bosne i Hercegovine i Zeničko-dobojskog kantona, broj: 02-13-1237-9/20 od 10.06.2021. godine, Odlomkom 5.04- Porezi, tačka (b) Ugovorom o grantu od 27.06.2018. godine (Projekat „Poboljšanja energetske efikasnosti u JU Kantonalnoj bolnici“ između Bosne i Hercegovine i Evropske banke za obnovu i razvoj koji se odnosi na investicioni grant Regionalnog programa za energetske efikasnost za Zapadni balkan (REEP) i članom 1. tačka 1.3. Podugovora o grantu između Federacije Bosne i Hercegovine i Zeničko-dobojskog kantona broj: 02-11-12224-1/21 od 22.10.2021. godine, na prijedlog Ministarstva zdravstva, Vlada Zeničko-dobojskog kantona, na 108. sjednici, održanoj 12.12.2025. godine, d o n o s i

O D L U K U

o odobravanju sredstava JU Kantonalna bolnica Zenica za pokriće troškova PDV-a po Projektu „Poboljšanje energetske efikasnosti u JU Kantonalna bolnica Zenica“

Član 1.

(Predmet)

Odobravaju se sredstva JU Kantonalna bolnica Zenica u ukupnom iznosu od 298.655,71 KM (slovima: dvijestotinedevedesetosamšeststotinapedesetpet i 71/100 konvertibilnih maraka) za pokriće troškova PDV-a po avansnom računu broj: 25-3700-000008 od 04.11.2025. godine koji je „UNIONINVEST“ d.d. Sarajevo ispostavio JU Kantonalna bolnica Zenica, a u vezi realizacije projekta „Poboljšanje energetske efikasnosti u JU Kantonalna Bolnica Zenica“.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2025. godinu („Službene novine Zeničko-dobojskog kantona”, broj: 25/24 i 12/25) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX013, pozicija „Tekući transfer za JU Kantonalna bolnicu Zenica za PDV po projektu „Poboljšanje energetske efikasnosti u JU Kantonalna bolnica Zenica” koji se finansira iz kredita EBRD.

(2) Sredstva odobrena Odlukom će se transferisati na žiro-račun JU Kantonalna bolnica Zenica broj: 141-306-532034-2197 otvoren kod BBI banke d.d. Sarajevo, na osnovu Odluke i avansnog računa dobavljača.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Kantonalna bolnica Zenica, svako u okviru svoje nadležnosti.

Član 4.
(Izvještavanje)

(1) JU Kantonalna bolnica Zenica obavezna je izvijestiti Ministarstvo zdravstva o namjenskom utrošku sredstava dostavljanjem dokaza o uplati sredstava dobavljaču.

(2) U slučaju nepostupanja prema članu 4. stav (1) ove odluke, JU Kantonalna bolnica Zenica je dužna odobrena sredstva uplatiti u korist Budžeta Zeničko-dobojskog kantona.

Član 5.
(Stupanje na snagu)

Ova odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-22121/25
Datum, 12.12.2025. godine
Zenica

PREMIJER

Nezir Pivić

DOSTAVLJENO:

1x Ministarstvo zdravstva,
1x Ministarstvo finansija,
1x JU Kantonalna bolnica Zenica, putem Ministarstva,
1x „Službene novine Zeničko-dobojskog kantona“,
1x a/a.